

განმარტებითი ბარათი

საკრებულოს დადგენილების პროექტზე

„მარტვილის მუნიციპალიტეტის 2023 წლის ბიუჯეტის დამტკიცების შესახებ“

ა) ზოგადი ინფორმაცია დადგენილების შესახებ:

ა.ა) დადგენილების მიღების მიზეზი:

დადგენილება მომზადებულია საქართველოს ადგილობრივი თვითმმართველობის კოდექსის 24-ე და 91 მუხლების შესაბამისად და განსაზღვრავს 2023 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

ა.ა.ა) პრობლემა რომლის გადაჭრასაც მიზნად ისახავს დადგენილება:

საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

ა.ა.ბ) არსებული პრობლემის გადასაჭრელად დადგენილების მიღების აუცილებლობა:

საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად მუნიციპალიტეტის ბიუჯეტის დამტკიცების შესახებ დადგენილების პროექტის მუნიციპალიტეტის აღმასრულებელი ორგანოს მიერ მომზადება და მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

ა.ბ) დადგენილების პროექტის მოსალოდნელი შედეგი:

„საქართველოს საბიუჯეტო კოდექსის“ 77-ე მუხლის შესაბამისად, 2023 წლის მუნიციპალიტეტის ბიუჯეტის შემოსულობების, გადასახდელების და ნაშთის ცვლილების დამტკიცება.

ა.გ) დადგენილების პროექტის ძირითადი არსი:

ძირითადი მაკროეკონომიკური მაჩვენებლები

მარტვილის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2023-2026 წლების ძირითადი ეკონომიკური და ფინანსური ინდიკატორების საბაზო სცენარის (2023 წლის სახელმწიფო ბიუჯეტის შესახებ კანონპროექტის თანდართული მასალები) მიხედვით 2023 წლისთვის ნომინალური მშპ-ს ზრდის ტემპი განსაზღვრულია 10,3 პროცენტით. აღნიშნულიდან გამომდინარე მუნიციპალიტეტის 2023 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

ბიუჯეტის პარამეტრები

საგადასახადო შემოსავლები

საგადასახადო შემოსავლების საპროგნოზო მაჩვენებლები საქართველოს საბიუჯეტო კოდექსის 77-ე მუხლის 6-ე და 6¹-ე პუნქტების გათვალისწინებით საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს.

2023 წლის პროგნოზით მუნიციპალიტეტის ბიუჯეტის საგადასახადო შემოსავლები ნომინალურ გამოხატულებაში 12794,9 ათას ლარს შეადგენს. 2022 წლის გეგმიურ მაჩვენებელთან შედარებით 2023 წლის საგადასახადო შემოსავლების პროგნოზი იზრდება 1162305,2 ათასი ლარით (12,1%-ით).

2023 წელს საგადასახადო შემოსავლების პროგნოზი გადასახადების სახეების მიხედვით შემდეგია:

- **დამატებული ღირებულების** გადასახადის საპროგნოზო მაჩვენებელი განისაზღვრა 12144,9 ათასი ლარით;

2022 წლის გეგმიურ მაჩვენებელთან შედარებით დღგ გაზრდილია 11,9%-ით (2005,2 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

- **ქონების** გადასახადის საპროგნოზო მაჩვენებელი შეადგენს 650,0 ათას ლარს;

2022 წლის გეგმიურ მაჩვენებელთან შედარებით ქონების გადასახადი 87%-ით (300,0 ათასი ლარით) იზრდება.

2023 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

- **გრანტების** სახით დაგეგმილი მაჩვენებლები განისაზღვრება 195,0 ათასი ლარამდე, მათ შორის:

- ✓ სხვა დონის სახელმწიფო ერთეულებიდან მისაღები გრანტები
2022 წლის გეგმიურ მაჩვენებელთან შედარებით გრანტები გაიზარდა 20,0 ლარით.

- **შემოსავლები საკუთრებიდან განსაზღვრულია 350,0 ათასი ლარის ოდენობით, მათ შორის:**

- ✓ პროცენტები 220,0 ათასი ლარი.

2022 წლის გეგმიურ მაჩვენებელთან შედარებით პროცენტები 130,0 ათასი ლარით იზრდება. ზრდა გამოწვეულია ბანკის პროცენტის გაზრდით.

- ✓ რენტა 130,0 ათასი ლარი;

2022 წლის გეგმიურ მაჩვენებელთან შედარებით მოსაკრებელი ბუნებრივი რესურსებით სარგებლობისათვის 20,0 ათასი ლარით იზრდება.

- **შემოსავლები საქონელისა და მომსახურების რეალიზაციიდან განსაზღვრულია 82,0 ათასი ლარის ოდენობით, მათ შორის:**

- ✓ სანებართვო მოსაკრებლები 50,0 ათასი ლარი;

- ✓ მოსაკრებელი დასახლებული ტერიტორიის დასუფთავებისათვის 20,0 ათასი ლარი;
- ✓ შემოსავალი სხვა არაკლასიფიცირებული მომსახურების გაწევიდან 12,0 ათასი ლარი;
- **შემოსავლები სანქციები, ჯარიმები და საურავებიდან განსაზღვრულია 160,0 ათასი ლარის ოდენობით, მათ შორის:**
 - ✓ შემოსავალი სანქციებიდან (ჯარიმები და საურავები) ადმინისტრაციული სამართალდარღვევების გამო 140,0 ათასი ლარი;
 - ✓ შემოსავალი სანქციებიდან (ჯარიმები და საურავები) არქიტექტურულ-სამშენებლო საქმიანობაში გამოვლენილი დარღვევის გამო 20,0 ათასი ლარი;
- **ტრანსფერები რომელიც სხვაგან არ არის კლასიფიცირებული განსაზღვრულია 30,0 ათასი ლარის ოდენობით, მათ შორის:**
 - ✓ მიმდინარე ტრანსფერები, რომელიც სხვაგან არ არის კლასიფიცირებული 30,0 ათასი ლარი;
 - არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 120,0 ათას ლარს;
 - ფინანსური აქტივების კლების (ნაშთი) მაჩვენებელი განისაზღვრება 400,0 ათასი ლარის ოდენობით;

მუნიციპალიტეტის ბიუჯეტის გადასახდელები

მუნიციპალიტეტის ბიუჯეტის გადასახდელების მოცულობა შეადგენს 14131,9 ათას ლარს (2023 წლის დამტკიცებულ გეგმასთან შედარებით იზრდება 2560,1 ათ. ლარით).

აღნიშნული ზრდა გამოწვეულია შემდეგი ფაქტორებით, ინფრასტრუქტურის განვითარების ზრდით, სკოლამდელი განათლების, კულტურის, სპორტის და სოციალური პროგრამების ზრდით. ასევე გათვალისწინებულია შრომის ანაზრაურების, კომუნალური გადასახადებისა და საწვავზე ფასების ზრდა;

2023 წლის მუნიციპალიტეტის ბიუჯეტის ხარჯვით ნაწილში ასახულია დამატებითი ხარჯები ისეთი მიმართულებებით, როგორცაა თანამშრომელთა ხელფასების ზრდა კარიერული სქემის შესაბამისად 10%-ის ფარგლებში.

პრიორიტეტების მიხედვით გათვალისწინებულია:

- **ინფრასტრუქტურის განვითარება - 2070,0 ათასი ლარი; მათ შორის:**
 - ✓ **გზების მშენებლობა რეაბილიტაცია და მოვლა შენახვა -200,0 ათასი ლარი;**
ქვეპროგრამის ფარგლებში განხორციელდება დოშაყეში ახალაიების უბნის დამაკავშირებელი გზის, ხუნწში ქუქითის ციხისკენ მიმავალი გზის, დიდიჭყონი ლედგებეს და სალხინოში ზემო ვახის გზების რეაბილიტაცია.
 - ✓ **ხიდ-ბოგირები მშენებლობა რეაბილიტაცია და მოვლა შენახვა -65,0 ათასი ლარი;**
ხუნწში დარეჯან ფაილოძის სახლთან ხიდ- ბოგირის რეაბილიტაცია და ვედიდკარი მუხურჩას დამაკავშირებელი ხიდის ბურჯის გამაგრება მდ. აბაშაზე.
 - ✓ **შენობების და სახურავების რეაბილიტაცია, რეკონსტრუქცია -150,0 ათასი ლარი;**

ქვეპროგრამის ფარგლებში განხორციელდება ქ. მარტვილის ცენტრში საპირფარეოს და მიმდებარე ტერიტორიის მოწყობა 70,0 ათ. ლარი და მერიის შენობის რეაბილიტაცია 80,0 ათ. ლარი.

- ✓ წყლის სისტემების განვითარება -110,0 ათასი ლარი;

განხორციელდება შემდეგი ობიექტების მშენებლობა რეაბილიტაცია: მუნიციპალიტეტის ტერიტორიაზე არსებული წყლის სისტემების რეაბილიტაცია 100,0 ათასი ლარი (ჭაბურღილების მოწყობა ჯოლევეში, ჭყონსა და გურძემში. სათავე ნაგებობისა და წყალგაყვანილობის სისტემის რეაბილიტაცია ლედგებეში ჯიჯავების უბანში, დიდ ჭყონში, აბედათში ლეჩაჯაიეში და ტალერში ეწერის უბანში) და მოხმარებული წყლის ღირებულება 10,0 ათასი ლარი.

- ✓ პარკების სკვერებისა და მათი მიმდებარე ინფრასტრუქტურის მოწყობა - 220,0 ათასი ლარი;

განხორციელდება მარტვილის ცენტრში მონუმენტის დადგმა და საელიაოს უბანში ფანჩატურის მოწყობა.

- ✓ საპროექტო-სახართაღრიცხვო, ექსპერტიზის და ზედამხედველობის ხარჯები -150,0 ათასი ლარი.

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება და ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

- ✓ გარე განათება - 500,0 ათასი ლარი;

პროგრამა ითვალისწინებს მოხმარებული ელ. ენერჯის ღირებულებას და მოვლა პატრონობას.

- ✓ საკადასტრო რუკების მომზადება (საკადასტრო ნახაზების ელექტრონული ვერსიების მომზადება) 5.0 ათ. ლარი.

- ✓ -კეთილმოწყობის ცენტრის სუბსიდირების ხარჯები ფინანსდება 270,0 ათ. ლარით, აღნიშნული ხარჯები მიუსაფარი ძაღლების გაყვანას, მწვანე საფარის მოვლა პატრონობას, შადრევნებისა და აუზების, წყლის სისტემების გამართულად ფუნქციონირების უზრუნველყოფას, ტროტუარებისა და ბორდიურების კეთილმოწყობა, ქალაქის ტერიტორიის მოხეტიალე პირუტყვისაგან დაცვას. ქ. მარტვილის საბაგრო გზის მომსახურებას.

- ✓ რეგიონებში განსახორციელებელი პროექტების თანადაფინანსება 300.0 ათ. ლარი (რეგიონებში განსახორციელებელი პროექტების ფონდიდან გამოყოფილი თანხებით მიმდინარე სამუშაოების თანადაფინანსება სამუშაოს ღირებულების 5%-ის ოდენობით.

- ✓ სპორტული მოედნების მოწყობა 100,0 ათასი ლარი. სოფ. დიდ ჭყონში და ქ. მარტვილში მე-2 საშუალო სკოლის გვერდით არსებული სტადიონის რეაბილიტაციას.

- დასუფთავება და გარემოს დაცვა განისაზღვრა - 942,0 ათასი ლარი; მათ შორის:

- ✓ დასუფთავება და ნარჩენების გატანა - 862,0 ათასი ლარი

პროგრამის ფარგლებში განხორციელდება მუნიციპალიტეტის სოფლების დაგვა-დასუფთავება და ნარჩენების გატანა, გარე ქსელის ბუნკერებიდან საყოფაცხოვრებო ნარჩენების შეგროვება და გატანა.

- ✓ სანიაღვრე არხებისა და ნაპირსამაგრი ჯებირების მშენებლობა-რეაბილიტაცია 100,0 ათასი ლარი.

სანიაღვრე არხებისა და ნაპირსამაგრი ჯებირების მშენებლობა-რეაბილიტაცია: სოფ. კიწიაში სიჭინავას სახლთან მდ. კორჩეზე, ქ. მარტვილში თამარმეფის ქ. მე-2 შესახვევში, ვედიდკარსა და მუხურჩაში მდ. აბაშაზე ბორის მასიას სახლთან ნაპირსამაგრების მოწყობა, ქ. მარტვილში 9 აპრილის ქუჩაზე ინგა გაბისონიას სახლთან დამეწყრილი საყრდენი კედლის მოწყობა, სოფ. ლეხაინდრაოში მდ.ნოღელაზე დამბის მოწყობა და სოფ. ნაჯახაოში საავტომობილო ხიდთან ნაპირსამაგრის მოწყობა.

➤ **განათლება - 2120.0 ათასი ლარი, მათ შორის:**

✓ **სკოლამდელი განათლება - 2100.0, ათასი ლარი;**

2022 წელთან შედარებით თანხები გაზრდილია 390.0 ათასი ლარით, რაც გამოწვეულია პედაგოგების ხელფასების მატებით და ახალი ბალების გახსნით);

✓ **შშმ ბავშვთა და მოზარდთა დახმარება 20.0 ათ. ლარი (შშმ ბავშვთა საკვირაო სკოლის თანადაფინანსება).**

➤ **კულტურა, ახალგაზრდობა და სპორტი - 2120.0 ათასი ლარი მათ შორის:**

✓ **სპორტის განვითარების ხელშეწყობა - 754.0 ათასი ლარი;**

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს მარტვილის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებს.

✓ **კულტურის განვითარების ხელშეწყობა 1207.0 ათ. ლარი.**

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მეგობრობის ცენტრის, მუზეუმისა და კულტურისა და ხელოვნების ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა. ასევე მოხდება მუნიციპალიტეტში მიმდინარე მოვლენების გაშუქება და პოპულარიზაცია მასობრივი ინფორმაციის საშუალებებით.

✓ **ახალგაზრდობის მხარდაჭერა 20.0 ათასი ლარი.**

პროგრამის ფარგლებში დაგეგმილია მომავალი თაობის ფიზიკური გაჯანსაღების მიზნით ტურისტული ლაშქრობები. ასევე ახალგაზრდა თაობის ჩართვა მუნიციპალიტეტის ყოველდღიურ საქმიანობაში. ახალგაზრდების ინიციატივებით სხვადასხვა პროექტების განხორციელება და სხვა.

✓ **რელიგიური ღონისძიებების დაფინანსება 50,0 ათ. ლარი.**

➤ **ჯანმრთელობის დაცვა და სოციალური უზრუნველყოფა - 1472.0 ათასი ლარი, მათ შორის:**

✓ **საზოგადოებრივი ჯანმრთელობისა და უსაფრთხო გარემოს უზრუნველყოფა - 172,0 ათასი ლარი;**

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; · დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის

გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; · მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

- ✓ **სოციალური პროგრამები 1300.0 ათასი ლარი; გათვალისწინებულია შემდეგი პროგრამების:**
- მოსახლეობის სამედიცინო დახმარება -520,0 ათასი ლარი;
- ომის ვეტერანთა და უკიდურესად შეჭირვებულთა უკვდავყოფის ხარჯები 20,0 ათასი ლარი;
- 9 აპილის და აგვისტოს მოვლენების დაფინანსების ხარჯები 9,0 ათასი ლარი;
- 100 წელს გადაცილებულთა ერთჯერადი დახმარება 8.0 ათ. ლარი;
- უკიდურესად შეჭირვებულთა ერთჯერადი დახმარება 360.0 ათ. ლარი;
- მრავალშვილიანი ოჯახების სოციალური დაცვა 30.0 ათ. ლარი;
- დედამამით ობოლი ბავშვების დახმარება ფინანსდება 115.0 ათ. ლარი;
- შშმ ბავშვთა დახმარების ხარჯები ფინანსდება 58.0 ათ. ლარი;
- ხანძრით, მიწისძვრით და სხვა სტიქიური მოვლენების შედეგად უსახლკაროდ დარჩენილთა ერთჯერადი დახმარება 90.0 ათ. ლარი;
- ახალშობილთა დახმარება 90.0 ათ. ლარი.

➤ **მმართველობა - 5496.9 ათასი ლარი, მათ შორის:**

- ✓ საკრებულოს დაფინანსება - 1431.3 ათასი ლარი;
- ✓ მერია - 3632.6 ათასი ლარი;
- ✓ სამხედრო აღრიცხვისა და გაწვევის სამსახური -150.2 ათასი ლარი;
- ✓ სარეზერვო ფონდი - 40,0 ათასი ლარი;
- ✓ სსიპ მუნიციპალური განვითარების ფონდის თანადაფინანსება, ვალის მომსახურება 242.8 ლარი, მათ შორის ძირიდადი თანხა 190.8 ლარი და პროცენტი - 52.0 ლარი.

მხარჯავი დაწესებულებების მიხედვით მუნიციპალიტეტის ბიუჯეტის ასიგნებები შემდეგნაირად განისაზღვრება:

/ათასი ლარი/

ორგანიზაციული	დასახელება	2023 წლის პროექტი
	მარტვილის მუნიციპალიტეტი	14,131.9
01 00	მმართველობა და საერთო დანიშნულების ხარჯები	5,496.9
01 01	მუნიციპალიტეტის საკრებულო	1,431.3
01 02	მუნიციპალიტეტის მერია	3,632.6
01 03	სამხედრო აღრიცხვისა და გაწვევის სამსახური	150.2
01 04	სარეზერვო ფონდი	40.0
01 06	მუნიციპალური განვითარების პროგრამის თანადაფინანსების ხარჯები	242.8

01 07	„საგანგებო მდგომარეობასთან დაკავშირებულ ღონისძიებათა მიზნობრივი პროგრამა“	0.0
02 00	ინფრასტრუქტურის მშენებლობა, რეაბილიტაცია და ექსპლოატაცია	2,050.0
02 01	საგზაო ინფრასტრუქტურის მშენებლობა რეაბილიტაცია და მოვლა შენახვა (გზები და ხიდები)	265.0
02 01 01	გზების მშენებლობა რეაბილიტაცია და მოვლა შენახვა	200.0
02 01 02	ხიდ-ბოგირები მშენებლობა რეაბილიტაცია და მოვლა შენახვა	65.0
02 02	კომუნალური ინფრასტრუქტურის მშენებლობა-რეაბილიტაცია და ექსპლოატაცია	1,110.0
02 02 01	შენობების და სახურავების რეაბილიტაცია, რეკონსტრუქცია	150.0
02 02 02	გარე განათების მოწყობა რეაბილიტაცია და ექსპლოატაცია	0.0
02 02 03	წყლის სისტემის რეაბილიტაცია და ექსპლოატაცია	110.0
02 02 04	პარკების სკვერებისა და მათი მიმდებარე ინფრასტრუქტურის მოწყობა	200.0
02 02 05	საპროექტო-სახართაღრიცხვო, ექსპერტიზის და ზედამხედველობის ხარჯები	150.0
02 02 07	გარე განათების მოწყობა რეაბილიტაცია და ექსპლოატაცია	500.0
02 03	საკადასტრო რუკების მომზადება	5.0
02 05	სოფლის მხარდაჭერის პროგრამა	0.0
02 06	კეთილმოწყობის ცენტრი	270.0
02 07	სპორტული მოედნების მოწყობა	100.0
02 08	სტიქიის შედეგების ლიკვიდაციის ხარჯები	0.0
02 09	რეგიონებში განსახორციელებელი პროექტების თანადაფინანსება	300.0
03 00	დასუფთავება და გარემოს დაცვა	962.0
03 01	დასუფთავება და ნარჩენების გატანა	862.0
03 02	საკანალიზაციო სისტემების მოწყობა-რეაბილიტაცია	0.0
03 03	სანიაღვრე არხებისა და ნაპირსამაგრი ჯებირების მშენებლობა-რეაბილიტაცია	100.0
04 00	განათლება	2,120.0
04 01	სკოლამდელი განათლების დაფინანსება	2,100.0
04 02	საჯარო სკოლების დაფინანსება	0.0
04 03	სკოლამდელი დაწესებულებების რეაბილიტაციის პროგრამა	0.0
04 04	შშმ ბავშვთა და მოზარდთა განათლების დაფინანსება	20.0
05 00	კულტურა, რელიგია ახალგაზრდული და სპორტული ღონისძიებები	2,031.0
05 01	სპორტის განვითარების ხელშეწყობა	754.0

05 01 01	სპორტული სკოლა	310.0
05 01 02	საფეხბურთო სკოლა	444.0
05 02	კულტურის განვითარების ხელშეწყობა	1,207.0
05 02 01	ტურიზმის განვითარების ხელშეწყობის პროგრამა	30.0
05 02 02	მუსიკალური სკოლის დაფინანსება	202.0
05 02 03	კულტურული ღონისძიებების დაფინანსება	100.0
05 02 04	ტელერადიო მაუწყებლობა და საგამომცემლო საქმიანობა	20.0
05 02 05	კულტურისა და ახალგაზრდობის განვითარების ცენტრი	625.0
05 02 06	მხარეთმცოდნეობის მუზეუმი	230.0
05 03	ახალგაზრდული პროგრამების დაფინანსება	20.0
05 04	რელიგიური ღონისძიებების დაფინანსება	50.0
06 00	მოსახლეობის ჯანმრთელობისა და სოციალური უზრუნველყოფა	1,472.0
06 01	საზოგადოებრივი ჯანდაცვის მომსახურება	172.0
06 02	მოსახლეობის სოციალური უზრუნველყოფა	1,300.0
06 02 01	მოსახლეობის სამედიცინო დახმარება	520.0
06 02 02	სარიტუალო მომსახურება (ომის ვეტერანთა და უკიდურესად შეჭირვებულთა დაკრძალვის ხარჯები)	20.0
06 02 03	ომის ვეტერანთა სოციალური უზრუნველყოფის ხარჯები (9 აპრილის და აგვისტოს მოვლენებში დაზარალებულთა ოჯახების ერთჯერადი დახმარება)	9.0
06 02 04	100 წელს გადაცილებულთა ერთჯერადი დახმარების ხარჯი	8.0
06 02 05	უკიდურესად შეჭირვებულთა ერთჯერადი დახმარება	360.0
06 02 06	მრავალშვილიანი ოჯახებისა (4 შვილი და მეტი)	30.0
06 02 07	ობოლი ბავშვების დახმარება	115.0
06 02 08	შშმ 18 წლამდე ბავშვთა დახმარება	58.0
06 02 09	ხანძრით, მიწისძვრით და სხვა სტიქიური მოვლენების შედეგად დაზარალებულთა ერთჯერადი დახმარება	90.0
06 02 10	ახალშობილთა დახმარება	90.0

მარტვილის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში

- საერთო დანიშნულების სახელმწიფო მომსახურება - 5155,9 ათასი ლარი;
- თავდაცვა - 150,2 ათასი ლარი;
- ეკონომიკური საქმიანობა - 1015,0 ათასი ლარი;

- გარემოს დაცვა - 1232,0 ათასი ლარი;
- საბინაო-კომუნალური მეურნეობა - 765,0 ათასი ლარი;
- ჯანმრთელობის დაცვა - 692,0 ათასი ლარი;
- დასვენება, კულტურა და რელიგია 2031,0 ათასი ლარი;
- განათლება - 2120,0 ათასი ლარი;
- სოციალური დაცვა - 780,0 ათასი ლარი;

„მარტვილის მუნიციპალიტეტის 2023 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2023-2026 წლები);
2. ინფორმაცია 2022 წლის 9 თვის შესრულების შესახებ;
3. ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ;
4. კაპიტალური ბიუჯეტის დანართი;
5. ინფორმაცია მუნიციპალიტეტის მიერ დაფუძნებული ა(ა)იპ-ების შემოსულობების, გადასახდელების და ნაშთის ცვლილების შესახებ;
6. ინფორმაცია ბიუჯეტით გათვალისწინებული „სხვა ხარჯები“-ს მუხლით დაგეგმილი ღონისძიებების შესახებ;

ბ) ბავშვის უფლებრივ მდგომარეობაზე კანონპროექტის ზეგავლენის შეფასება:

წლიური ბიუჯეტის პროექტი არ ანიჭებს ან ზღუდავს ბავშვთა უფლებრივ მდგომარეობას და ასახავს არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს პასუხისმგებელი მხარჯავი დაწესებულებების შესაბამის პროგრამულ კოდებში.

ე) დადგენილების ავტორი

მუნიციპალიტეტის საფინანსო-საბიუჯეტო სამსახური

ვ) დადგენილების ინიციატორი

მუნიციპალიტეტის მერი